


Cyngor Gwynedd
Cynllun Darparu Gwasanaeth Gwarchod y
Cyhoedd 2026-27
Diogelwch Bwyd: Hylendid a Safonau Bwyd





TABL CYNNWYS

1.0	CYFLWYNIAD	4
2.0	AMCANION Y GWASANAETH	5
2.1	Nod	5
2.2	Amcanion	5
2.3	Amcanion Corfforaethol	6
2.4	Mesurau Monitro Perfformiad	8
3.0	CEFNDIR	8
3.1	Proffil Gwynedd	8
3.2	Strwythur y Sefydliad a Llinellau Adrodd	9
3.3	Sgôp y Gwasanaeth Diogelwch Bwyd	10
3.4	Gwasanaethau / Partneriaid Allanol Arbenigol	12
3.5	Lleoliad y Gwasanaethau	12
3.6	Gofynion ar yr Gwasanaeth Bwyd a Diogelwch	12
3.7	Polisi Gorfodaeth	13
4.0	DARPARU'R GWASANAETH	14
4.1	Ymyriadau Mewn Eiddo Bwyd	14
4.2	Ymyriadau Hylendid Mewn Cynhyrchwyr Cynradd	15
4.3	Y Cynllun Sgorio Hylendid Bwyd Cenedlaethol	15
4.4	Rhaglen Ymyrraeth Hylendid Bwyd Cyngor Gwynedd 2026-27	16
4.5	Rhaglen Ymyrraeth Safonau Bwyd Cyngor Gwynedd 2026-27	17
4.6	Ymyrraeth Hylendid Bwyd Cynhyrchiad Cynradd 2026-27	18
4.7	Ail Ymweliadau Gorfodaeth	18
4.8	Ail Ymweliad Yn Dilyn Cais Am Ail Sgorio'r Sgôr Hylendid Bwyd	19
4.9	Cwynion am fwyd a Cheisiadau am Wasanaeth	19
4.10	Awdurdodau Cynradd / Cartref a Chyngor i Fusnesau	20
4.11	Samplu Bwyd ac Archwiliadau	21
4.12	Ymchwiliadau i Achosion o Salwch ac Afiechydon Heintus yn gysylltiedig â Bwyd	21
4.13	Digwyddiadau Diogelwch Bwyd	22
4.14	Cyswllt â Sefydliadau Eraill	22
4.15	Hyrwyddo Diogelwch Bwyd	23
4.16	Hyfforddiant Diogelwch Bwyd i Swyddogion	23
4.17	Camau Ffurfiol Diogelwch Bwyd	23
4.18	Busnesau Newydd	24

5.0	ADNODDAU	25
5.1	Dyraniad Ariannol	25
5.2	Lefelau Staff Presennol	25
6.0	SICRWYDD ANSAWDD	27
6.1	Gweithdrefnau a Ddogfennir	27
6.2	Asesiadau ac Archwiliadau	28
7.0	ADOLYGIAD	28
7.1	Adolygu yn erbyn y Cynllun Gwasanaeth	28
7.2	Adolygu Perfformiad yn erbyn Cynllun Gwasanaeth 2025-26	29
7.3	Llwyddiant	30
7.4	Darpariaeth Gwasanaeth 2026-27	30
7.5	Ffactorau sy'n debygol o gael effaith ar ddarpariaeth gwasanaeth yn ystod 2026-27	31
	Atodiad 1 – Crynodeb Perfformiad 2025-26	33

Rheolaeth weinyddol yr adroddiad

Enw	Diogelwch Bwyd: Hylendid a Safonau Bwyd
Fersiwn	Terfynol
Statws	Byw
Prif Swyddog	Alun Evans, Public Protection Manager
Llofnod	
Cynhyrchwyd gan	Gwasanaeth Gwarchod y Cyhoedd
Wedi ei gymeradwyo gan	Gareth Jones
Dynodiad	Pennaeth Cynorthwyol Adran Amgylchedd
Llofnod	
Wedi ei gymeradwyo gan	Craig ap Iago
Dynodiad	Arweinydd Portffolio - Adran Amgylchedd
Llofnod	
Dyddiad cymeradwyo	1/6/26
Dyddiad yr adolygiad nesaf.	1/04/27

1.0 Cyflwyniad

Mae'r Asiantaeth Safonau Bwyd (ASB) fel rhan o gytundeb fframwaith diogelwch bwyd cenedlaethol yn gofyn i bob awdurdod lleol baratoi cynllun darparu gwasanaeth blynyddol.

Mae'r cynllun yn adlewyrchu'r gwaith y mae'r ASB yn gofyn i awdurdodau bwyd ei wneud dan ofynion y Ddeddf Safonau Bwyd 1999 a'r cytundeb fframwaith ar orfodaeth sydd yn ei le ar gyfer awdurdodau lleol.

Mae'r cynllun yma yn manylu sut fydd Cyngor Gwynedd yn darparu gwasanaeth diogelu bwyd yn ystod 2026-27.

2.0 Amcanion y Gwasanaeth

2.1 Nod

Mae'r Gwasanaeth Gwarchod y Cyhoedd yn ymroddedig i sicrhau fod bwyd a diod gaiff ei werthu i'w fwyta a'i yfed gan bobl, sy'n cael ei gynhyrchu, ei storio, ei ddosbarthu, ei drin neu ei ddefnyddio yn y Sir, yn rhydd o unrhyw berygl i iechyd a diogelwch y defnyddiwr ac yn cydymffurfio gyda gofynion cyfansoddiadol a labelu.

Bydd y Gwasanaeth yn arddel dull gorfodaeth sy'n seiliedig ar asesu'r risg i iechyd cyhoeddus a methiant i gwrdd â gofynion statudol.

Mae gan Wasanaeth Gwarchod y Cyhoedd bolisi gorfodaeth, a bydd staff yn ymgymryd â gweithgareddau a fanylir yn y Cynllun Gwasanaeth hwn yn unol â'r polisi.

Rhoddir sylw hefyd i'r arweiniad a geir yng nghanllawiau'r Asiantaeth Safonau Bwyd ac i arweiniad gan gyrff cydnabyddedig

Bydd y Gwasanaeth hefyd yn cyfrannu at ymdrechion y Cyngor i gwrdd â goblygiadau'r Ddeddf Llesiant Cenedlaethau'r Dyfodol (Cymru) 2015.

2.2 Amcanion

Amcanion y Gwasanaeth Gwarchod y Cyhoedd yng nghyd-destun diogelwch bwyd yw fel a ganlyn:

- Gweithredu rhaglen flynyddol o ymyraethau a gorfodaeth hylendid bwyd a safonau bwyd yn unol â gofynion statudol, Cod Ymarfer Cyfraith Bwyd (Cymru) a chanllawiau perthnasol. Bydd ymyraethau o'r fath yn cael eu cynnal ar y cyd ag ymyriadau a gynhelir yng nghyswllt swyddogaethau statudol eraill.
- Cefnogi'r rhaglen archwiliadau blynyddol gyda rhaglen ymyriadau eraill fel gorfodaeth amgen a samplu bwyd, lle fo angen ac yn briodol i wneud hynny.
- Ymchwilio i gwynion, a gweithredu'n briodol yn unol â Chod Ymarfer Cyfraith Bwyd (Cymru) a chanllawiau perthnasol.
- Darparu gwybodaeth a chyngor i fusnesau a defnyddwyr. Lle fo adnoddau yn caniatáu, cefnogi busnesau bwyd a defnyddwyr trwy gyngor, hyrwyddo ymarfer da a mentrau addysgol wedi'u targedu.
- Codi ymwybyddiaeth o faterion diogelwch bwyd fel fo'r cyhoedd yn medru gwneud

dewisiadau ran pa fwyd i'w brynu yn seiliedig ar wybodaeth gyfredol.

- Sicrhau fod ein camau rheolaeth bwyd yn gyson, gymesurool a theg.

2.3 Amcanion Corfforaethol

Mae Cynllun Cyngor Gwynedd 2023-28 yn cynnwys meysydd blaenoriaeth sydd hefyd yn ein hamcanion dan y Ddeddf Lles Cenedlaethau'r Dyfodol (Cymru).

Mae'r cynllun yn egluro y byddem yn dilyn y 5 ffordd o weithio a restrir yn y Ddeddf sef ystyried effeithiau hir dymor, atal, gweithio integredig, gweithio ar y cyd a chynnwys /derbyn barn unigolion o bob oedran wrth ddod i benderfyniadau / casgliadau . Bydd hyn yn cael ei gyflawni drwy roi pobl Gwynedd yn ganolog i bob peth rydym yn ei wneud.

Mae'r cynllun yn rhestru 7 maes blaenoriaeth fydd yn ffocws ein ymdrechion dros y 5 mlynedd nesaf.

Mae'r tabl nesaf yn rhestru gwaith y gwasanaeth sy'n cefnogi rhai o'r meysydd blaenoriaeth:

Maes Blaenoriaeth	Y Blaenoriaeth	Cysylltiad gyda gwaith y Gwasanaeth
Gwynedd Ofalgar	Cefnogi Trigolion Gwynedd i fyw bywydau llawn a diogel yn ein cymunedau.	Mae'r swyddogion yn cynnal ymyraethau yn cynnwys archwiliadau a darparu cyngor i fusnesau drwy'r Sir. Mae'r ymyraethau yn sicrhau cydymffurfiaeth gyda rheoliadau hylendid a safonau bwyd. Mae hyn yn ei dro yn sicrhau fod bwyd a gynhyrchir, / werthir yng Ngwynedd yn saf . Bydd swyddogion yn annog busnesau i wella eu safonau, a drwy hyn sicrhau gwelliant mewn amgylchiadau trigolion ac ymwelwyr. Rydym yn codi ymwybyddiaeth o alergedd ac anoddefiad bwyd ac yn amlygu sut a pha gynhwysion sy'n effeithio rhai grwpiau bregus yn ein cymdeithas.
		Drwy ymgymryd â gwaith diogelwch bwyd

Gwynedd Lewyrchus	Cryfhau'r economi a chefnogi trigolion	mae'r gwasanaeth yn ymdrechu i sicrhau nad yw busnesau bwyd yng Ngwynedd yn achosi gwenwyn bwyd. Gall achosion o wenwyn bwyd cysylltiedig greu difrod economaidd sylweddol drwy: -Dioddefwyr yn methu gweithio a derbyn triniaeth feddygol - Busnesau a gysylltir gydag achosion gwenwyn bwyd yn colli eu 'henw da' a chwsmeriaid. -Cyhoeddusrwydd negyddol yn cael effaith andwyol ar niferoedd ymwelwyr i'r ardal. Mae'r gwasanaeth yn gweithio gyda busnesau dilys i sicrhau cydymffurfiaeth a gofynion rheolaethol a chymryd camau pendant i ddelio gyda busnesau sy'n dewis peidio. Lle fo busnes yn arddangos cydymffurfiaeth gyda gofynion diogelwch bwyd, yn unol â Deddf Sgorio Hylendid Bwyd (Cymru) byddent yn derbyn sgôr hylendid bwyd da. Gall hyn gynorthwyo'r busnes ddenu cwsmeriaid. Darparir cyngor a chymorth i fusnesau gyda'r nod o sicrhau eu bod yn cwrdd â gofynion eu cwsmeriaid, yn cynnig cyflogaeth yn lleol ac yn cynhyrchu proffid i fuddsoddwyr. Mae monitro a chynghori ar safonau rheolaethol yn cynorthwyo cynnal economi deg a chynaliadwy.
Gwynedd Gymraeg.	Sicrhau ein bod yn rhoi pob cyfle bosib i'n trigolion ddefnyddio'r Gymraeg yn y gymuned.	Bydd pob gwasanaeth rheng flaen ar gael / yn cael ei ddarparu drwy gyfrwng y Gymraeg. Mae'r gwasanaeth yn hyrwyddo ymarfer busnes da / cydymffurfiaeth drwy ddefnydd y Gymraeg sy'n cyfrannu tuag at hybu /cynnal cymuned naturiol Gymraeg.

2.4 Mesurau Monitro Perfformiad

Mae mesurau monitro perfformiad y gwasanaeth mewn perthynas â diogelwch bwyd ar gyfer 2026-27 wedi ei rhestru isod. Defnyddir y mesurau i sefydlu cyfraniad y gwasanaeth tuag at gwrdd gyda blaenoriaethau'r Cyngor. Fe fydd perfformiad y gwasanaeth mewn perthynas â chwrrdd ar mesuryddion hyn yn cael ei adolygu gan banel oddeutu bob deufis. Mae Uwch swyddogion a chynghorwyr yn eistedd ar y panel herio perfformiad yma.


Cyfeirnod	Disgrifiad
B & D1	% o fusnesau sydd yn cyrraedd safonau hylendid bwyd (gyfystyr a sgôr hylendid bwyd o 3 neu uwch)
B&D2 (A)	% o fusnesau bwyd a dderbyniodd archwiliad hylendid bwyd yn unol ar rhaglen archwiliadau dros gyfnod penodol.
B&D2 (B)	% o fusnesau bwyd a dderbyniodd archwiliad safonau bwyd yn unol ar rhaglen archwiliadau dros gyfnod penodol.

3.0 Cefndir

3.1 Proffil Gwynedd

Lleolir Gwynedd yng Ngogledd Orllewin Cymru. Dyma'r ail sir fwyaf yng Nghymru, yn cynnwys 12.26% o gyfanswm yr arwynebedd tir, dros ardal sy'n 2,548 cilometr sgwâr. Mae Gwynedd yn ymestyn o Abergwyngregyn yn y gogledd i Aberdyfi yn y de, pellter ar y ffordd o 130 cilomedr, ac o Uwchmynydd yn y gorllewin i Landderfel yn y dwyrain, pellter ar y ffordd o 103 Cilomedr. Mae gan Wynedd 301 cilomedr o arfordir, sef yr arfordir hiraf o holl Awdurdodau Unedol Cymru. Prif drefi Gwynedd yw Caernarfon, Bangor, Porthmadog a Dolgellau.


Poblogaeth Gwynedd yn 2021 (Canlyniadau'r cyfrifiad) oedd 117,400 gyda 44% dros 50 oed .Mae crynhoad o'r boblogaeth yn preswyllo yng ngogledd y sir ym Mangor, Caernarfon a'r trefi a phentrefi cyfagos. Mae'r crynodiad uchaf o siaradwyr Cymraeg yng Nghymru yng Ngwynedd- 77% o'r boblogaeth)



3.2 Strwythur y Sefydliad a Llinellau Adrodd

Y Gwasanaeth Bwyd a Diogelwch Gwarchod y Cyhoedd sy'n gyfrifol am gwblhau'r gwaith a fanylir yn y cynllun yma. Yr Aelod Cabinet dros Adran yr Amgylchedd sy'n gyfrifol am wasanaethau Gwarchod y Cyhoedd. Y Pwyllgor Craffu Cymunedau sy'n gyfrifol am graffu ei benderfyniadau ac am graffu darpariaeth y gwasanaeth gan yr Adran .

Manylir trefn reolaethol Gwasanaeth Gwarchod y Cyhoedd isod:



3.3 Sgôp Gwaith y Gwasanaeth Bwyd a Diogelwch

Mae'r gwasanaeth yn gyfrifol am:

- Sefydlu a chadw cofrestr gyfredol o bob eiddo bwyd o fewn y Sir.
- Cwblhau ymyraethau mewn eiddo bwyd. Mae'r ymyraethau yn cael eu rhaglennu yn unol â'r cynllun graddio ymyrraeth mewn sefydliadau bwyd, fel y rhagnodir yng Nghod Ymarfer Cyfraith Bwyd (Cymru). Wrth lunio'r rhaglen rhoddir ystyriaeth i beryglon posib, lefel y gydymffurfiaeth a hyder yn systemau rheolaethol busnesau. Mae swyddogion yn cynghori ar ymarfer da ac yn sicrhau cydymffurfiaeth â gofynion cyfreithiol. Caiff ymyraethau hylendid bwyd eu rhaglennu fel y gellir eu cynnal ar y cyd â safonau bwyd neu/ ac iechyd a diogelwch, cyn belled â bod hynny'n bosib.
- Ail ymweliadau – Pan fo gofyn i weithredwr busnes bwyd gwblhau gwaith i gydymffurfio â'r ddeddfwriaeth diogelwch / safonau bwyd, gellir cynnal ail ymweliad â'r eiddo ar ôl y dyddiad a roddwyd ar gyfer sicrhau cydymffurfiaeth.
- Ymchwilio i Gwynion - Mae'r uned yn ymateb i bob cwyn a dderbynnir am fusnesau bwyd a bwyd a brynwyd yn ardal, lle fo'r achwynydd yn fodlon darparu eu henw/ manylion cyswllt. Byddwn yn ymchwilio i bob cwyn a sefydlu pa fesurau gorfodaeth sy'n briodol er mwyn sicrhau y cymerir rhagofalon i atal digwyddiad arall yn y dyfodol. Mae hyn yn aml yn golygu cysylltu â chwmnïau gweithgynhyrchu , awdurdodau lleol / awdurdodau cartref / awdurdodau cynradd eraill.
- Adnabod busnesau bwyd newydd yn fuan wedi iddynt sefydlu, ac ymweld â'r eiddo hynny i gwblhau ymyraethau a darparu cyngor ac arweiniad.
- Ymchwilio i salwch o fwyd – Derbynnir hysbysiadau am achosion o wenwyn bwyd gan feddygon teulu, y Gwasanaeth Iechyd Cyhoeddus Gymru (ICC) a'u gwasanaethau labordy. Byddwn yn ymchwilio i bob hysbysiad ac yn cymryd camau priodol i atal heintiau rhag ymledu.
- Addysgu a Hyrwyddo Hylendid a Safonau Bwyd - Fel rhan o ymrwymiad y gwasanaeth i hyrwyddo iechyd cyhoeddus, mae'r gwasanaeth yn cynnal amryw o fentrau diogelwch bwyd. Yn flaenorol mae'r rhain wedi cynnwys seminarau i fusnesau lleol, cymryd rhan mewn wythnos ddiogelwch bwyd, darparu taflenni newyddion a darparu cyngor a chymorth i fusnesau yn ystod ymyraethau rhaglenedig neu yn dilyn cais.
- Digwyddiadau a Rhybuddion am Fwyd - Pan gyhoeddir rhybuddion bwyd gan yr ASB yng nghyswllt bwydydd penodol a lle adnabyddir yr angen, bydd y gwasanaeth yn cymryd pob mesur priodol i sicrhau nad yw'r bwydydd yn cael eu rhoi ar werth yn

y Sir. Gall y gwasanaeth hefyd gofnodi digwyddiad bwyd gyda'r ASB. Lle fo pryder am fygythiad i ddiogelwch neu safon bwyd gall fo angen ymyrraeth genedlaethol i warchod buddiannau treulwyr.

- Cymeradwyo Sefydliad Bwyd - Mae angen caniatâd ymlaen llaw gan yr awdurdod lleol ar gyfer gweithredu rhai prosesau bwyd. Yng Ngwynedd mae'r rhain yn cynnwys prosesau yn ymwneud a chynnyrch llaeth, cynnyrch cig, cynnyrch pysgod a safleoedd pacio wyau. Caiff y sefydliadau eu harchwilio cyn rhoi cymeradwyaeth iddynt, a chânt eu monitro'n rheolaidd wedi hynny i sicrhau eu bod yn parhau i gydymffurfio â gofynion cyfreithiol.
- Samplu Bwyd - Byddwn yn samplu bwyd er mwyn monitro safonau diogelwch a safonau bwyd yn ystod ymyrraethau ac fel rhan o raglenni samplu bwyd lleol, rhanbarthol a chenedlaethol.
- Samplu Pysgod Cregyn – Gwneir gwaith samplu i fonitro statws hylendid ardaloedd dynodedig sy'n cynhyrchu pysgod cregyn.
- Bwyd sy'n cael ei fewnforio – Ymchwilio i honiadau neu amgylchiadau sy'n awgrymu bod bwyd sydd wedi'i fewnforio wedi'i halogi, lygru neu wedi cael ei fewnforio'n anghyfreithlon, a chymryd y camau angenrheidiol.
- Cyflenwadau Dŵr ffynnon/ mwynol - Mae un sefydliad sy'n potelu dŵr yn cael ei oruchwyllo gan y gwasanaeth. Mae ymyrraethau yn cael eu cynnal yn rheolaidd i sicrhau fod y dŵr yn cwrdd â safon yfed a bod y wybodaeth a roddir i gwsmeriaid yn cydymffurfio gyda rheolau cyfredol.
- Gwasanaethau Eraill - Yn ddibynnol ar gymhwysedd y swyddogion, disgwylir iddynt ymdrin â materion iechyd a diogelwch galwedigaethol sy'n codi yn ystod ymyrraethau diogelwch / safonau bwyd. Pan fo angen, byddant hefyd yn ymchwilio i ddigwyddiadau sy'n gysylltiedig â dŵr ac afiechydon heintus ar wahân i wenwyn bwyd; yn rhoi sylwadau ar geisiadau am drwydded eiddo dan y Ddeddf Trwyddedu 2003 ac ar geisiadau cynllunio a rheolaeth adeiladu sy'n ymwneud ag eiddo bwyd.

3.4 Gwasanaethau/Partneriaid Allanol Arbenigol

Dadansoddwr Cyhoeddus	Gwasanaethau Dadansoddi Cyhoeddus Gwyddonol Cyf
Archwiliwr Bwyd	Adran Microbioleg Iechyd Cyhoeddus Cymru, Ysbyty Gwynedd
Swyddog Priodol	Iechyd Cyhoeddus Cymru

3.5 Lleoliad Gwasanaethau

Mae'r gwasanaeth bwyd a diogelwch yn cael ei ddarparu o dair swyddfa ardal sef Pencadlys, Caernarfon; Swyddfa Ardal Dwyfor, Pwllheli a Swyddfa Ardal Meirionnydd, Dolgellau. Mae'r swyddfeydd ar agor i'r cyhoedd ddydd Llun i ddydd Gwener 09:00 - 16:00.

Gwneir gwaith ymyrraeth y tu allan i oriau pan nad yw'r eiddo'n gweithredu yn ystod y dydd. Y polisi yw bod ymyrraethau bwyd, oni bai bod amgylchiadau eithriadol, yn cael eu cynnal heb rybudd er mwyn gweld y busnes yn gweithredu fel y mae mewn gwirionedd.

3.6 Gofynion ar y Gwasanaeth Bwyd a Diogelwch

Mae Gwynedd yn cynnwys cymysgedd o eiddo gweithgynhyrchu, manwerthu ac arlwyio. Y sectorau arlwyio a manwerthu yw'r rhai mwyaf. Busnesau bychain a chanolig (BBAC) sydd yn y sectorau hyn yn bennaf.

Ar y 1af o Ebrill 2026, roedd Cyngor Gwynedd yn gyfrifol am orfodi gofynion diogelwch bwyd mewn dros 2100 o eiddo bwyd yn y Sir.

Mae'r rhaglen asesu risg ar gyfer hylendid a safonau bwyd wedi'i hamlinellu yn y cynllun graddio ymyrraeth yng Nghod Ymarfer Cyfraith Bwyd (Cymru), ac mae'r meini prawf yn nodi y dylai pob eiddo bwyd fod yn cael eu goruchwyllo i ryw raddau, er bod y Cod yn caniatáu defnyddio dulliau gorfodaeth amgen gydag eiddo sy'n peri'r risg lleiaf.

Tabl yn arddangos nifer y mathau o fusnesau bwyd yng Ngwynedd

	Nifer yr eiddo (Ar 10/04/26)
Cynhyrchwyr Cynradd (Sefydliadau Bwyd)	46
Gwneuthurwyr a Phacwyr	188
Mewnforwyr ac Allforwyr	1
Dosbarthwyr a Chludwyr	12
Man werthwyr	376
Bwytai, Caffis, Ffreuturiau, Arlwywyr	591
Gwestai, Gwely a brecwast	181
Tafarndai a Chlybiau	160
Siopau Prydau Parod	131
Eiddo Gofal	148
Archfarchnadoedd	58
Ysgolion / Colegau	126
Unedau Bwyd Symudol	118
Cyfanswm	2136

Mae 31 Sefydliad Bwyd Cymeradwy yng Ngwynedd.

Mae gan Wynedd nifer o wlâu pysgod cregyn dosbarthedig sy'n destun gwaith rheolaethol ganom. Mae'r Awdurdod yn gyfrifol am hel a chasglu samplau o bysgod cregyn a dŵr mor ger y gwlâu i sicrhau eu bod yn cwrdd â gofynion iechyd llym. Mae'r swyddogion sy'n ymgymryd ar gwaith wedi derbyn hyfforddiant arbenigol.

Mae oddeutu 200 eiddo bwyd yn y Sir yn dymhorol. Mae'r mwyafrif ar agor yn ystod misoedd yr Haf. Mae'r gofyn i archwilio'r busnesau hyn dros gyfnod penodol yn rhoi baich ychwanegol ar y gwasanaeth. Yn gyffredinol misoedd yr Haf yw'r rhai prysuraf gan fo ceisiadau am wasanaeth fel arfer yn cynyddu yn sylweddol oherwydd y twf yn y boblogaeth leol drwy dwristiaeth.

3.7 Polisi Gorfodaeth

Fe fu i bolisi gorfodaeth Gwarchod y Cyhoedd gael ei ddiwygio ar fersiwn newydd ei gymeradwyo yn unol a'n cynllun dirprwyo hawliau yn ystod 2025. Bydd penderfyniadau gorfodaeth ynghylch diogelwch bwyd yn cael eu cofnodi a'u monitro i ddangos ein bod yn cadw at y polisi. Yn ychwanegol at hyn, mae gweithdrefnau cynhwysfawr ar gael i sicrhau cysondeb.

4.0 Darparu'r Gwasanaeth

4.1 Ymyriadau mewn Eiddo Bwyd

Bydd ymyriadau'r diogelwch bwyd mewn busnesau yn cael eu blaenoriaethu yn unol â'r categori risg sydd wedi ei ddynodi iddynt yn flaenorol. Dilynir y drefn a fanylir yng Nghod Ymarfer Cyfraith Bwyd (Cymru) .

Caiff ymyriadau eu diffinio yn y cod fel gweithgareddau sydd wedi'i dylunio i fonitro, cefnogi a chynyddu cydymffurfiaeth â'r gyfraith. Maent yn cynnwys, ond heb fod yn gyfyngedig i, 'rheolaethau swyddogol' fel y disgrifir yn Rheoliad (wedi'w gymhathu)(CE) 2017/625

Mae ymyraethau rheoli bwyd swyddogol y gellir eu defnyddio yn cynnwys archwiliadau, archwiliadau rhannol, ymweliadau goruchwyllo, ymweliadau gwirio, ymweliadau monitro ac ymweliadau samplu, lle bydd y gwaith dadansoddi/archwilio yn digwydd mewn labordy swyddogol. Pan fod amgylchiadau'n caniatáu, ac yn arbennig ar gyfer eiddo risg isel, gellir defnyddio ymyriadau eraill nad ydynt yn rheolaethau swyddogol. Mae'r rhain yn cynnwys addysg, cyngor, hyfforddiant a chasglu gwybodaeth.

Wrth benderfynu pa fath o ymyriadau a ddylid ei defnyddio, rhaid rhoi ystyriaeth i ofynion Cod Ymarfer Cyfraith Bwyd (Cymru) . Mae'r cod yn manylu pa mor aml y dylid cynnal ymyriadau ar gyfer categorïau penodol o eiddo, a'r math o ymyraethau allai fod yn briodol, fel a ganlyn isod:

Isafswm amllder ymyraethau hylendid bwyd.

	RHEOLAETHAU SWYDDOGOL							YMYRIADAU ERAILL		
Categori Risg	Archwiliad	Archwiliad Rhannol	Archwiliadau- 'audit'	Monitro	Goruchwyllo	Gwirio	Samplu	Addysg, Cyngor a Hyfforddiant	Gwybodaeth, Casglu Gwybodaeth a Samplu	Amllder Gofynnol yr Ymyrraeth
A	X	X	X							6 mis
B	X	X	X							12 mis
C	X	X	X							18 mis
C: 'Cydymffurfio'n Fras' ¹	X	X	X	X	X	X	X			18 mis
D	X	X	X	X	X	X	X	X	X	24 mis
E	Strategaeth Orfodaeth Amgen Bob Tair Blynedd									

1-Eiddo sy'n gallu dangos, ac sydd wedi'u hasesu i ddangos bod ganddynt amodau, systemau a rheolaeth dda sy'n sgorio ≤ 10 yn y system raddio (h.y. eiddo da).

Yn unol a threfn newydd asesu risg safonau bwyd, bydd isafswm cyfnod cynnal ymyraethau yn unol ar risg nawr yn amrywio o 1 mis -120 mis (1 mis, 3 mis, 6 mis, 12 mis, 24 mis, 36 mis, 48 mis, 60 mis a 120 mis).

4.2 Ymyriadau Hylandid Mewn Cynhyrchwyr Cynradd

Dylid fo rhaglen ymyraethau mewn cynhyrchwyr cynradd yn seiliedig ar risg fel y manylir yn y Cod Ymarfer Cyfraith Bwyd (Cymru).

Mae gofyn ar gynghorau i wneud y defnydd gorau o'r dystiolaeth sydd ar gael wrth sefydlu amserlenni cynnal ymyraethau mewn cynhyrchwyr cynradd (busnesau sy'n cynhyrchu, magu neu dyfu cynnyrch gan gynnwys tyfu planhigion, godro a ffermio anifeiliaid cyn eu lladd. Mae hefyd yn cynnwys hela, pysgota a chasglu cynnyrch sydd wedi tyfu yn y gwyllt) . Yn amodol, dyllid fod ymyraethau cychod pysgota yn dilyn yr amserlen a ddynodir yn y cod ymarfer cyfraith bwyd.

Bydd unrhyw ymyrraeth i sefydlu fo'r gweithredwr busnes bwyd ac unrhyw weithwyr gyda dealltwriaeth o'r peryglon sy'n gysylltiedig ar busnes gyda mesurau yn eu lle i reoli'r peryglon a sicrhau fod bwyd sy'n cael ei gyfeirio at y gadwyn fwyd yn saff i'w fwyta.

4.3 Y Cynllun Sgorio Hylandid Bwyd Cenedlaethol

Mae'r Ddeddf Sgorio Hylandid Bwyd (Cymru) 2013 yn gofyn i awdurdodau lleol weithredu cynllun sgorio hylandid bwyd gan sgorio busnesau bwyd o fewn eu hardal. Yn ogystal, mae'r Ddeddf yn rhoi dyletswydd ar fusnesau bwyd i arddangos eu sgôr hylandid bwyd yn lleoliad eu busnes. Bwriad y Ddeddf yw sicrhau bod cwsmeriaid yn derbyn gwybodaeth am safonau hylandid bwyd busnesau bwyd yng Nghymru. Bydd hyn yn galluogi cwsmeriaid i wneud penderfyniadau deallus o ran ble i brynu bwyd.

Mae sgorau busnesau bwyd i'w gweld ar wefan yr ASB: <https://ratings.food.gov.uk/cy>

Mae canllawiau Sgorio Hylandid Bwyd ar gyfer Llywodraethau Lleol yn datgan na ellir dyfarnu sgôr hylandid bwyd ond wedi archwilio eiddo.

4.4 Rhaglen ymyrraeth hylendid bwyd Cyngor Gwynedd 2026-27

Oherwydd diffyg adnodd (yn nhermau staff wedi cymhwyso, awdurdodedig) mae'n annhebygol y bydd Cyngor Gwynedd yn cwrdd gyda isafswm gofynion archwiliadau y Cod ymarfer cyfraith bwyd (Cymru) yn ystod 2026-27. Gweler rhan 5.2.

Yn unol ar cod amcangyfrifir y bydd angen cynnal y nifer o ymyraethau a restrir yn ail golofn y tabl isod yn ystod y flwyddyn.

Proffil yr Eiddo	Nifer yr Eiddo (1/4/26)	Amcangyfrif o nifer yr ymyraethau fydd eu hangen yn ystod y flwyddyn i 31/3/27
Categori A	1	1
Categori B	55	55
Categori C	710	406
Categori D	633	389
Categori E	821	462
Heb eu graddio	52	265*
Tu allan i'r rhaglen	6	6
CYFANSWM	2278	1609

* Cyfartaledd nifer y busnesau newydd sydd wedi cofrestru dros y tair blynedd diwethaf ydy 265. Mae'r rhif yma wedi ei gynnwys fel yr amcangyfrif o'r eiddo bwyd heb eu graddio fydd angen ymyrraeth dros y flwyddyn nesaf. Gweler rhan 4.18 hefyd.

Mae'r amcangyfrif o'r nifer o ymyraethau hefyd yn cynnwys ôl groniad o archwiliadau o'r flwyddyn flaenorol. Ar y 1-4-26 roedd 291 o archwiliadau hylendid bwyd dal angen eu cwblhau (mae'r ffigwr yn cynnwys 4 eiddo categori risg C, 182 categori risg D a 100 categori risg E)

Bydd y ffocws yn ystod 26-27 ar gwblhau archwiliadau yn cynnwys:

Eiddo lle fo archwiliadau'n hwyr

Eiddo categori risg A

Busnesau Newydd

Sefydliadau Cymeradwy

Eiddo lle mae cwyn neu bryder wedi ei dderbyn ynghylch ; cwyn am ymarferion hylendid, safon hylendid neu eiddo sy'n gysylltiedig gyda digwyddiad bwyd neu afiechyd heintus.

Wedi cwblhau'r ymyraethau yma bydd y gwasanaeth bwyd a diogelwch yn ail gydio yng ngofynion y cod ymarfer bwyd a chynnal archwiliadau yn unol â chategori risg eiddo /

amserlen y cod.

Byddwn hefyd yn ymdrechu i archwilio eiddo tymhorol mewn da bryd, lle fo'n bosib gwneud hynny.

4.5 Rhaglen ymyrraeth safonau bwyd Cyngor Gwynedd 2026-27

Fe fydd Gwasanaeth Gwarchod y Cyhoedd yn mabwysiadu trefniadau diwygiedig asesu risg safonau bywyd yn ystod Ebrill 2026, yn unol ar cod ymarfer cyfraith bwyd gafodd ei gyhoeddi yn Hydref 2025.

Ar gyfer 2026-27 bydd bob eiddo risg uchel safonau bwyd (eiddo wedi ei raglennu ar gyfer ymyrraeth mewn mis, 3 mis, 6 mis neu 12 mis) yn derbyn archwiliad.

Er mwyn gwella effeithlonrwydd mae swyddogion sydd yn cynnal ymyrraethau hylendid bwyd yn cynnal ymyrraethau (archwiliad) safonau bwyd yr un pryd os ydy'r eiddo angen neu am fod angen archwiliad yn ystod y flwyddyn sydd i ddod.

Mae'r tabl a ganlyn yn dangos amcangyfrifi o'r archwiliadau safonau bwyd sydd angen eu cynnal yn 2026/27. Mae'r amcangyfrif hefyd yn cynnwys ôl groniad o archwiliadau heb eu cwblhau yn ystod 2025-26.

Proffil yr Eiddo: Safonau Bwyd (Isafswm cyfnod ymyrraeth)	Amcangyfrif o Nifer yr Eiddo (ar 16/04/26)	Amcangyfrif o nifer yr archwiliadau fydd eu hangen yn ystod y flwyddyn hyd 31/3/27
mis	0	0
3 mis	0	0
6 mis	34	34
12 mis	79	45
24 mis	629	394
36 mis	509	279
48 mis	138	26
60 mis	528	35
72 mis	201	1
120 mis	0	0
Tu allan i'r rhaglen	0	0
Heb eu asesu	57	265(*)
Cyfanswm	2175	1079

*Cyfartaledd nifer y busnesau newydd sydd wedi cofrestru dros y tair blynedd diwethaf ydy 265. Mae'r rhif yma wedi ei gynnwys fel yr amcangyfrif o'r eiddo bwyd heb eu graddio bydd angen ymyrraeth dros y flwyddyn nesaf. Gweler rhan 4.18 hefyd

4.6 Ymyrraeth Hylendid Bwyd (Cynhyrchiant cynradd) 2026-27

Dylid fo ymyrraeth mewn busnes sydd yn ymwneud a chynhyrchu bwyd ar lefel cynradd yn cael ei flaenoriaethu drwy ddefnydd gwybodaeth leol a thystiolaeth i sefydlu eu risg.

Gall ffactorau megis aelodaeth o gynllun cydnabyddedig gael dylanwad ar natur ac amlder ymyriadau.

Rydym yn cydnabod mae dim ond canran isel o gynhyrchwyr cynradd fydd yn derbyn archwiliad hylendid bwyd yn flynyddol drwy ddilyn y drefn yma.

4.7 Ail Ymweliadau Gorfodaeth

Mae disgwyliad y bydd unrhyw eiddo sydd yn derbyn sgôr hylendid bwyd o ddau neu is yn derbyn ail ymweliad gorfodaeth oherwydd ystyrir bod busnes sydd wedi derbyn sgôr isel wedi torri'r gyfraith.

Sefydlir dyddiad yr ail ymweliad ar y camau a gymerwyd wedi'r ymyrraeth wreiddiol a natur y gwaith sy'n ofynnol i'r busnes ei gwblhau i sicrhau cydymffurfiaeth a'r ddeddfwriaeth. Fodd bynnag, disgwylir cynnal ail-ymweliad ag eiddo gyda sgôr hylendid o 0 o fewn 28 diwrnod. Ble bo pryder mawr ynglŷn â glanweithdra'r eiddo, bydd yn briodol i'r cyfnod fod yn fyrrach. Dylid ail ymweld ag eiddo gyda sgôr hylendid o 1 neu 2 o fewn cyfnod o dri mis. Dylai ail ymweliad o'r fath gael ei gynnal gan y swyddog a gynhaliodd yr archwiliad gwreiddiol.

Mae hefyd disgwyliad, lle fo tor cyfraith safonau bwyd difrifol yn cael ei adnabod, y bydd ail ymweliad ar eiddo. Bydd y cyfnod rhwng yr ymweliad cyntaf ar ail ymweliad yn ddibynnol ar y risgiau sy'n gysylltiedig ar dor cyfraith ond dylid ei gynnal oddi fewn 3 mis.

Mae'r tabl isod yn manylu faint o ail ymweliadau hylendid a safonau gafodd eu cwblhau gan swyddogion yn flaenorol gan gynnwys flwyddyn ddiwethaf.

Ail ymweliadau

Blwyddyn	Hylendid Bwyd	Safonau Bwyd
2022-23	34	18
2023-24	39	9
2024-25	54	4
2025-26	75	14

4.8 Ail Ymweliad Yn Dilyn Cais Am Ail Sgorio'r Sgôr Hylendid Bwyd

Ymgwymerir ag ymweliad ail sgorio hylendid bwyd pan fo Gweithredwr y Busnes Bwyd wedi cymryd camau i unioni'r diffyg cydymffurfiaeth a nodwyd yn ystod yr archwiliad gwreiddiol a phan mae'r gweithredwr yn gwneud cais i'r awdurdod i ail asesu ei sgôr hylendid bwyd.

Dylid amseru ymweliad ail-sgorio'r eiddo o fewn gofynion y cynllun. Ble bo'n ymarferol, dylai ymweliad o'r fath gael ei gynnal gan y swyddog a gynhaliodd yr ymyrraeth wreiddiol. Cafodd 26 ymweliad ail sgorio eu cynnal yn ystod 2025/26.

4.9 Cwynion am fwyd

Bydd pob cwyn am fwyd a brynir o fewn y sir ac nad yw'n gŵyn ddienw yn cael eu hymchwilio. Polisi'r gwasanaeth yw rhoi ymateb cyntaf o fewn pum diwrnod gwaith i bob cwyn am fwyd a chŵyn am eiddo bwyd.

Fe fydd cwynion (sydd ddim yn ddienw) a dderbynnir am faterion safonau bwyd a hylendid bwyd mewn cynhyrchwyr cynradd yn derbyn ymateb oddi fewn 5 diwrnod gwaith

Mae'r tabl isod yn manylu'r nifer o gwynion diogelwch bwyd a dderbyniwyd dros y pedair blynedd ddiwethaf.

Cwynion Diogelwch Bwyd

Blwyddyn	Hylendid Eiddo	Hylendid Bwyd (Microbau, eitemau estron, llygredd cemegol)	Safonau Bwyd (Cyfansoddiad, Ychwanegion, labelu)
22-23	34	62	19
23-24	29	66	18
24-25	24	77	10
25-26	6	27	23

Nid yw'r amrywiad mewn nifer dros y blynyddoedd a nodir, ohono'i hun , yn creu problem ran dyfarniad adnoddau. Mae hyn hefyd yn wir o'r nifer o geisiadau am wasanaeth a dderbyniwyd, gweler y tabl isod:

Cais am Wasanaeth

Blwyddyn	Hylendid a Safonau Bwyd	O'r rhain, y nifer oedd yn geisiadau am gyngor.
22-23	972	442
23-24	1038	433
24-25	1091	431
25-26	1126	404

Ar ddiwedd y flwyddyn roedd 123 o geisiadau am wasanaeth yn parhau ar agor.

4.10 Awdurdodau Cynradd /Awdurdodau Cartref a Chyngor i Fusnesau

Sefydlwyd Cynllun Awdurdod Cynradd fel cynllun statudol gan y Ddeddf Gorfodaeth Rheolaeth a Chosb 2008. Drwy ddilyn y cynllun gall busnesau ddewis sefydlu partneriaeth gyda llywodraeth leol fydd yn dynodi'r modd y bydd y busnes yn derbyn rheolaeth gan unrhyw awdurdod lleol.

Gall Awdurdod Cynradd gynnig pwynt cyswllt dechreuol i lywodraethau lleol eraill ar gyfer busnes penodol. Gall yr Awdurdod Cynradd hefyd gynnig arweiniad ar faterion rheolaethol sy'n ymwneud ar busnes .

Nid oes gan Gyngor Gwynedd gytundeb Awdurdod Cynradd . Mae swyddogion wedi eu hymrwymo i ddilyn gofynion cytundebau Awdurdodau Cynradd sydd yn bodoli ar gyfer busnesau yn yr ardal.

Mae'r egwyddor Awdurdod Cartref yn cynnig trefn o gymorth i fusnesau drwy sefydlu pwynt cyswllt oddi fewn llywodraeth leol ar gyfer busnes sydd a prif swyddfa neu fwyafrif o'u gweithgareddau wedi eu lleoli oddi fewn yr ardal.

Rydym yn dilyn egwyddorion y cynllun lle derbynnir cyswllt gan gynghorau lleol eraill yn ymwneud a busnesau wedi eu lleoli yng Ngwynedd.

Mae'r Gwasanaeth yn cynnig cyngor i unrhyw fusnes sydd ag eiddo masnachu yng Ngwynedd oni bai bod y masnachwr â threfniant Awdurdod Cynradd gydag awdurdod lleol arall. Cyflawnir hyn drwy ddarparu cyngor yn uniongyrchol i fusnesau a thrwy ddarparu cyrsiau hyfforddiant a ellir eu cynnal yn lleol.

4.11 Samplu Bwyd ac Archwiliadau

Mae bwyd a diod a gyflenwir, a gynhyrchir ac a werthir o fewn y Sir yn destun rhaglen samplu, er mwyn asesu diogelwch ac ansawdd y bwyd, a ble bo angen mewn ymateb i gwynion am fwyd neu'n ganlyniad i archwiliadau bwyd.

Yn ystod y flwyddyn cynhaliwyd ein rhaglen samplu basged siopa lle'r oedd swyddog yn prynu bwyd o fusnesau oedd yna yn destun profion am bresenoldeb bacteria.

Cymerwyd 69 sampl bwyd i'w ddadansoddi am bresenoldeb microbau.

Bu i bump sampl gael ei analeiddio am bresenoldeb alergau nad oedd wedi ei ddatgan fel rhan o brosiect cydweithio Gogledd Cymru.

Rydym yn cynnal rhaglen samplu pysgod cregyn a dŵr mor mewn ardaloedd lle bydd cregyn bysgod yn cael eu cynaeafu er mwyn monitro statws hylendid yr ardaloedd hynny. Defnyddir y data a geir o'r samplu i gynnal statws dosbarthiad yr ardaloedd cynaeafu cregyn bysgod.

Cymerwyd 55 sampl o bysgod cregyn o'r Fenai dros y flwyddyn.

Dadansoddir mwyafrif y samplau bwyd gan yr Adran Ficrobioleg, Iechyd Cyhoeddus Cymru, Ysbyty Gwynedd ym Mangor. Ar adegau defnyddir y Dadansoddwr Cyhoeddus (Gwasanaeth dadansoddi cyhoeddus gwyddonol) yn Wolverhampton ac weithiau defnyddir labordai'r Canolfan ar gyfer yr Amgylchedd, Pysgodfeydd, a Gwyddoniaeth Dyframaeth (CEFAS).

4.12 Ymchwiliadau i Achosion o Salwch ac Afiechydon Heintus yn gysylltiedig â Bwyd

Bydd y gwasanaeth yn ymchwilio i bob achos o salwch yn deillio o hysbysiadau afiechydon yn gysylltiedig â bwyd yn unol â gweithdrefnau cydnabyddedig a chyngor gan ein Swyddog Priodol.

Mae trefniadau ffurfiol wedi'u sefydlu rhwng Iechyd Cyhoeddus Cymru (ICC) a Chyngor Gwynedd er mwyn adnabod achosion o wenwyn bwyd ac ymchwilio iddynt. Cyfeirir yr holl achosion o wenwyn bwyd sydd wedi'u hadnabod yn y labordy yn uniongyrchol inni er mwyn cynnal ymchwiliad.

Yn ystod 2025-26 derbyniwyd 394 o hysbysiadau achosion afiechydon heintus unigol a fu'n destun ymchwiliad gan swyddogion. Ni fu i nifer o achosion cysylltiedig gael eu hadnabod.

4.13 Digwyddiadau Diogelwch Bwyd

O bryd i'w gilydd, bydd yr ASB yn datgan digwyddiad diogelwch bwyd a byddant yn hysbysu'r awdurdodau bwyd am y rhain. Ceir hysbysiadau er gwybodaeth yn unig ac eraill sydd angen ymdrech i ddelio a hwy.

Mae gan y Gwasanaeth weithdrefn wedi'i ddogfennu ar sut i ymdrin â Rhybuddion Digwyddiadau Diogelwch Bwyd wedi iddynt gael eu cylchredeg drwy'r system Rhybuddion Bwyd.

Bu tri digwyddiad diogelwch bwyd cenedlaethol yn ystod y flwyddyn oedd yn destun ymyrraeth gan swyddogion. Roedd un yn ymwneud a siocled wedi ei lygru, un arall yn ymwneud a phowdwr llaeth babi llygredig bosib ar trydydd mewn perthynas â fferins 'jolly rancher' oedd gyda cynhwysion anghyfreithlon. Roedd angen i swyddogion sefydlu os oedd y cynnyrch yn cael ei werthu yng Ngwynedd a chynghori busnesau a effeithiwyd.

4.14 Cyswllt â Sefydliadau Eraill

Mae'r Gwasanaeth Bwyd a Diogelwch yn cydweithio gyda'r grwpiau a sefydliadau cyswllt isod. Gwneir hyn i sicrhau bod y gwasanaeth neu unrhyw gamau gorfodaeth a gymerir yng Ngwynedd yn gyson gydag awdurdodau lleol cyfagos. Yn ogystal, drwy gydweithio gellir adnabod gwelliannau i'r gwasanaeth a sefydlu pa hyfforddiant sydd angen / fwyaf addas ar gyfer cyfrannu at gymwysterau swyddogion.

- Llywodraeth Cymru
- Cyfarwyddwyr Gwarchod y Cyhoedd Cymru (DPPW)
- Grŵp Penaethiaid Iechyd yr Amgylchedd Cymru (WHeH)
- Grŵp Penaethiaid Safonau Masnach (WhoTS)
- Panel Technegol Diogelwch Bwyd ac Afiechydon Heintus Gogledd Cymru (PDBGC)
- Fforwm Microbiolegol Bwyd Cymreig
- Gwasanaeth Iechyd Cyhoeddus Cenedlaethol Cymru (ICC)
- Grŵp Cyswllt Pysgod Cregyn Gogledd Cymru a Glannau Dyfrdwy (PCCGD)
- Awdurdod Trwyddedu Gang Feistri
- Cyfoeth Naturiol Cymru
- Arolygiaeth Gofal Cymru (AGC)
- Canolfan ar gyfer yr Amgylchedd, Pysgodfeydd, a Gwyddoniaeth Dyframaeth
- Dŵr Cymru (DC)
- Yr Asiantaeth Safonau Bwyd (ASB)
- Uned Twyll Bwyd Cenedlaethol (UTBC)

4.15 Hyrwyddo Diogelwch Bwyd

Bydd y Gwasanaeth yn ymgymryd ag ymarferion hyrwyddo iechyd, yn ddibynnol ar yr adnoddau sydd ar gael.

Dros y flwyddyn diwethaf fe fu i'r Gwasanaeth gynorthwyo'r ASB drwy roi cyhoeddusrwydd i'w mentrau ar ein safleoedd gwe cymdeithasol. Rhoddwyd sylw i;

Ymgyrch arddangos sgôr hylendid bwyd ar y we
Ymgyrch 'mae bwyd diogel yn golygu gwell busnes'.
Glyserol mewn llymaid rhew

4.16 Hyfforddiant Diogelwch Bwyd i Swyddogion

Mae'n bolisi gan y Cyngor i gydymffurfio'n llawn â gofynion Cod Ymarfer Cyfraith Bwyd (Cymru) ran hyfforddiant staff a chymwysterau swyddogion awdurdodedig. Mae hyn yn cynnwys mynediad i hyfforddiant allanol ar destunau arbenigol gyda hyfforddiant ategol rheolaidd a hyfforddiant mewnol.

Dylid fod swyddogion sy'n gyfrifol am orfodi deddfwriaeth diogelwch bwyd yn derbyn o leiaf 10 awr o hyfforddiant datblygiad proffesiynol parhaus yn ystod blwyddyn.
Dylid fo swyddogion sy'n ymwneud ag ymweliadau hylendid mewn eiddo cynhyrchu cynradd dderbyn 4 awr o hyfforddiant perthnasol mewn blwyddyn.

Bydd anghenion hyfforddiant swyddogion yn cael eu cwrdd yn bennaf drwy ddefnydd ffynonellau hyfforddiant ar y we a 'wyneb i wyneb'.

Mae tri swyddog yn bresennol yn eistedd cwrs ôl radd lechyd yr Amgylchedd.

4.17 Camau Ffurfiol Diogelwch Bwyd

Rhaid bod unrhyw waith gorfodaeth gydymffurfio gyda Pholisi Gorfodaeth Gwarchod y Cyhoedd. Gall gwaith gorfodaeth amrywio o gymryd camau anffurfiol hyd at gyflwyno hysbysiadau gwella hylendid bwyd ffurfiol, hysbysiadau camau adferol, hysbysiadau hylendid gwahardd brys neu erlyn. Y prif amcan yw sicrhau bod yr holl fusnesau bwyd yng Ngwynedd yn cynhyrchu bwyd sy'n ddiogel i'w fwyta a'u bod yn cydymffurfio â gofynion deddfwriaeth diogelwch bwyd.

Mae'r tabl isod yn manylu faint o rybuddion ysgrifenedig a chamau gorfodaeth gafodd eu cyhoeddi neu gymryd gan y gwasanaeth dros dair blynedd

Blwyddyn	2023/24	2024/25	2025/26
Cau eiddo bwyd yn wirfoddol	5	2	1
Ataliad, dal neu ildiad gwirfoddol o fwyd	1	1	5
Rhybudd Gwella Hylendid Bwyd	5	9	4
Rhybudd Gweithrediad Adfer	3	4	4
Rhybudd Gwella Safonau Bwyd	3	2	2
Rhybudd Ysgrifenedig Hylendid Bwyd	820	708	823
Rhybudd Ysgrifenedig Safonau Bwyd	319	235	268
Rhybudd Atal Argyfwng	0	0	1
Erlyniad Hylendid Bwyd	0	0	0
Erlyniad Safonau Bwyd	0	0	0

4.18 Busnesau Newydd

Mae pob busnes bwyd newydd yng Ngwynedd yn destun ymweliad ymyrraeth a rhoddir cyngor ac arweiniad i sicrhau fod y busnesau hyn yn cydymffurfio â deddfwriaeth diogelwch bwyd o'r cychwyn cyntaf.

Byddwn yn asesu risg bob busnes newydd er mwyn blaenoriaethu ymyrraethau. Rydym yn ymdrechu i archwilio busnesau newydd sydd gyda'r potensial i fod yn fusnes bwyd risg uchel oddi fewn i 28 diwrnod o ddechrau masnachu. Anelir i archwili busnesau newydd risg isel oddi fewn i 3 mis o ddechrau masnachu.

Mae nifer gymharol uchel o fusnesau bwyd yn agor yn flynyddol yn y Sir sy'n rhoi pwysau ychwanegol sylweddol ar y gwasanaeth. Mae'r tabl isod yn manylu'r nifer o fusnesau bwyd newydd sydd wedi cofrestru yn flynyddol gyda'r Cyngor dros y dair blynedd ddiwethaf.

Blwyddyn	Nifer o fusnesau bwyd newydd wedi cofrestru.
2023-24	253
2024-25	275
2025-26	288

I'r gwrthwyneb, mae hefyd nifer sylweddol o eiddo bwyd yn cau yn y Sir yn flynyddol. Dros 2025-26 fe fu 253 busnes bwyd gau.

5.0 Adnoddau

5.1 Dyraniad Ariannol

Mae'r tablau drosodd yn arddangos gwir gost (net) cwblhau gwaith diogelwch bwyd i Gyngor Gwynedd yn ystod 2025-26

Yn ogystal, arddangosir prif gyfraniadau at gost net bob elfen gwaith diogelwch bwyd.(staff, pwrcasu , cyfraniad at wasanaethau eraill y Cyngor -Costau Gweinyddol).Bydd yr Adran yn blaenoriaethu cyllido camau cyfreithiol pan fo hynny'n angenrheidiol.

Cost	Gwariant
Cyflogaeth Staff	£724,422.39
Materion gweinyddol gan gynwys cyfraniad tuag at ein gwasanaethau cefnogol cyfreithiol.	£95,978.61
Hyfforddiant	£15,020.14
Samplu	£736.55
Trafeilio / Cynhaliaeth	£3319.57
Pwrcasu offer a gwasanaethau	£5968.52
Incwm	£10,408.63
Gwir Gost (Net)	£835,037

5.2 Lefelau Staff Presennol

Ar y 1/4/26 roedd 13 swyddog rheng flaen yn gweithio i'r Gwasanaeth Bwyd a Diogelwch. O'r rhain mae 8 yn swyddogion lechyd yr Amgylchedd a 5 yn swyddogion cydymffurfiaeth / gorfodaeth. Mae'r holl swyddogion yn cyflawni gwaith diogelwch bwyd, afiechydon heintus ac iechyd a diogelwch.

Mae dau o'r swyddogion cydymffurfiaeth / gorfodaeth yn eistedd cyrsiau academiaidd ac nid ydynt wedi eu hawdurdodi i ygymryd a dyletswyddau swyddogol bwyd..

Mae un o'r swyddogion iechyd gydag awdurdodiadau rhannol - nid ydynt eto yn medru cwblhau gwaith atal mewn argyfwng.

Yn ystod y flwyddyn cafodd Hyfforddai lechyd yr Amgylchedd ei benodi drwy Gynllun Yfory'r Cyngor.

Mae un o'r swyddogion cydymffurfiaeth / gorfodaeth wedi derbyn dyletswyddau ychwanegol fel goruchwylydd ein system cronfa ddata. O ganlyniad ni fydd y swyddog ar gael i ymgymryd a dyletswyddau rheng flaen am oddeutu deuddydd yr wythnos (colled o 0.3 CLLA ar gyfer gwaith gorfodaeth diogelwch bwyd).

Mae tabl A isod yn manylu'r CLLA (Cyfwerth a Llawn Amser) sydd wedi ei ddyfarnu ar gyfer gwaith bwyd ac afiechydon heintus ar nifer presennol o staff awdurdodedig (CLLA) sydd ar gael i ymgymryd ar gwaith yn ystod 2026-27.

Mae tabl B isod yn manylu'r CLLA (Cyfwerth a Llawn Amser) sydd wedi ei ddyfarnu ar gyfer gwaith bwyd ac afiechydon heintus ar nifer presennol o staff awdurdodedig (CLLA) sydd ar gael i ymgymryd ar gwaith yn ystod 2026-27.

Tabl A - Hyllendid Bwyd ac Afiechydon Heintus

Swydd	CLLA wedi ei ddyfarnu i'r gwasanaeth ar 1/4/26	CLLA wedi ei llenwi ar gyfer 26-27
Swyddog Gwarchod y Cyhoedd	3.7	3.7
Swyddog Gorfodaeth / Cydymffurfiaeth	2.4	1.4
Rheolwr Gwarchod y Cyhoedd	0.2	0.2
Cyfanswm	6.3	5.3

Tabl B- Safonau Bwyd

Swydd	CLLA wedi ei ddyfarnu i'r gwasanaeth ar 1/4/26	CLLA wedi ei llenwi ar gyfer 26-27
Swyddog Gwarchod y Cyhoedd	2.3	2.3
Swyddog Gorfodaeth / Cydymffurfiaeth	1.3	0.7
Rheolwr Gwarchod y Cyhoedd	0.25	0.25
Cyfanswm	3.85	3.25

I gydymffurfio'n llaw gyda gofynion y Cod Ymarfer Cyfraith Bwyd (Cymru) ar gyfer 2026-27 (*gan gynnwys ôl groniad archwiliadau o'r flwyddyn flaenorol*) amcangyfrifir fod angen cyfwerth CLLA (rheolwr a swyddogion awdurdodedig) o 15.1. Mae cyfwerth a 8:55 CLLA ar gael i'r gwasanaeth yn bresennol. Mae'r CLLA amcangyfrifir sydd angen wedi cynyddu'n sylweddol oherwydd oblygiadau'r drefn asesu risg / rhaglennu ymyraethau safonau newydd fydd yn cael ei fabwysiadu o eleni ymlaen.

Mae Tabl C isod yn cynnig crynodeb o'r CLLA amcangyfrifir sydd angen ar y gwasanaeth bwyd a diogelwch ar gyfer cwblhau gwaith diogelwch bwyd 2026-27.

Tabl C- Amcangyfrif o'r adnodd sydd ei angen ar gyfer 2026-27

Math o ymyrraeth	Hylendid Bwyd CLLA	Safonau Bwyd CLLA
Archwiliadau ac ail ymweliadau	5.67	5.78
Cwynion a cheisiadau am wasanaeth	0.86	0.23
Digwyddiadau bwyd a rhybuddion angen gweithrediad	0.02	0.006
Afiechydon Heintus	1.24	n/a
Gweithgareddau eraill (Rheolaeth, hyfforddiant, monitro, cynnal cofnodion, gwella gwasanaeth)	0.56	0.56
Samplu	0.15	0.02
Cyfanswm	8.5	6.6

6.0 Sicrwydd Ansawdd

6.1 Gweithdrefnau

Bydd gweithgareddau gorfodaeth yn cael eu dogfennu a'u cadw yn electronig er mwyn sicrhau ansawdd a chysondeb ein prosesau, ein gweithdrefnau a'n cyfarwyddiadau gweithio. Mae'r gweithdrefnau yn nodi'r cyfrifoldeb am y gwaith a wneir. Gall staff dderbyn mynediad i'r dogfennau drwy gronfa ddata electroneg.

6.2 Asesiadau ac Archwiliadau

Bydd ansawdd ein polisïau a'n gweithdrefnau yn cael ei asesu mewn sawl ffordd, sef:

- Bydd Rheolwr Gwarchod y Cyhoedd yn monitro amrywiaeth o waith gorfodaeth yn rheolaidd (h.y. archwiliadau, llythyrau, hysbysiadau gwella, sgoriau, graddau risg) a bydd yn rhoi adborth i'r swyddogion. Yn ogystal cwblheir archwiliad mewnol o'r gweithdrefnau a'r cyfarwyddiadau gweithio fel fo'r angen / yn flynyddol.
- Archwiliadau a gwblheir gan yr Asiantaeth Safonau Bwyd.
- Archwiliadau mewnol

Mae trefniadau monitro eraill yn cynnwys:

- Ystyried cwynion a chanmoliaeth gorfforaethol ynghylch y gwasanaeth.
- Cyfarfodydd tîm rheolaidd i roi cyfle i swyddogion drafod materion archwilio a gorfodaeth a hyrwyddo cysondeb cyffredinol.
- Ymarferion cysondeb yn enwedig ar gyfer sefydlu graddau risg.
- Adolygiad gan gydweithwyr.

Yn ystod y flwyddyn roedd y Gwasanaeth yn destun arolwg mewnol gan yr Uned Ffordd Gwynedd, Cafodd gwelliannau /trefniadau gwaith mwy effeithiol eu hadnabod mewn perthynas â threfn ail sgorio hylendid bwyd a chofnodi canlyniadau archwiliadau diogelwch bwyd.

7.0 Adolygiad

7.1 Adolygu yn erbyn y Cynllun Gwasanaeth

Yn arferol bydd y cynllun darparu gwasanaeth yn destun adolygiad blynyddol. Ystyrir yr adolygiad yn rhan o'n proses cynllunio busnes blynyddol.

Mae'r perfformiad yn cael ei fonitro yn rheolaidd gydag adolygiad rheolaethol bob deufis o'r cynnydd. Cwblheir adroddiadau sy'n manylu ar y perfformiad yn erbyn dangosyddion cenedlaethol a lleol. Drwy ddilyn y broses yma medr materion allweddol sy'n codi gael eu hadnabod yn amserol fel fo modd mynd i'r afael â hwy.

7.2 Adolygu Perfformiad yn erbyn Cynllun Gwasanaeth 2025-26

Mae Atodiad 1 yn cynnwys manylion perfformiad y gwasanaeth yn ystod 2025-26.

Mae'r prif ardaloedd ar gyfer gwelliant / gweithrediad oedd wedi eu hadnabod yng nghynllun gwasanaeth 2025/26 wedi eu rhestru yn y tabl isod ynghyd ar hyn mae'r gwasanaeth wedi ei gyflawni ers hynny i gyfarch y gwelliannau adnabuwyd oedd angen.

Ardal Allweddol 2025-26	Camau Gweithredu / Canlyniadau
Cwrdd ag argymhellion / datrys diffyg cydymffurfiaeth a adnabuwyd gan yr Asiantaeth Safonau bwyd yn ystod eu harchwiliad o'r gwasanaeth fos Hydref 2024.	Mwyafrif o'r diffygion wedi eu cywiro. Mae'r Awdurdod yn ymdrechu i ddarparu adnodd digonol i'r gwasanaeth drwy hyfforddi swyddogion. Bydd hyn yn cymryd nifer o flynyddoedd.
Gweithredu argymhellion yn deillio o arolwg mewnol 'Ffordd Gwynedd' o'r Gwasanaeth	Mae dau argymhelliad heb gael eu gweithredu: 1. Sefydlu trefn gorfforaethol ar gyfer derbyn a phrosesu taliadau ar y we. Mae hyn yn fater corfforaethol. 2. Datblygu a threialu trefniadau ar gyfer defnydd ffônau symudol / tabledi i gofnodi canlyniadau archwiliadau allan yn y maes. Mae datblygiad ffurflen electroneg /trefn cofnodi wedi cael ei adnabod fel blaenoriaeth gan ein Gwasanaeth Technoleg Gwybodaeth. Yn ogystal, mae'r gwasanaeth yn disgwyl am fanylion datrysiadau bosib gan bariton eraill.
Cefnogi busnesau drwy ddarparu gwybodaeth a chyngor.	Yn parhau
Addasu i drefniadau masnachu amgen busnesau – oriau agor cyfyngedig, agor ar nosweithiau /penwythnosau yn unig.	Yn parhau

7.3 Llwyddiant

Yn ychwanegol i'r gwaith a amlinellir yn Atodiad 1 mae llwyddiannau allweddol y gwasanaeth dros gyfnod y cynllun llynedd yn cynnwys:

- Cafodd archwiliadau rhaglenedig eiddo categori risg A hylendid a safonau bwyd eu cynnal
- Cwblhawyd archwiliadau rhaglenedig hylendid bwyd eiddo categori risg B ac C, heblaw am 4 eiddo categori C tymhorol nad oedd ar agor dros y gaeaf.
- Cwblhawyd gwaith adweithiol gan gynnwys gwaith gorfodaeth, rheoli peryglon bwyd a delio gyda chwynion bwyd.
- Fe fu i swyddog dderbyn tystysgrif uwch rheolaeth bwyd.
- Cymerodd y gwasanaeth ran mewn ymgyrchoedd yr ASB gan ddefnyddio cyfryngau cymdeithasol i ledaenu negeseuon diogelwch bwyd.
- Cafodd eiddo oedd heb dderbyn ymyrraeth ers cyn amser eu harchwilio.
- Fe fu i swyddogion gwrdd â gofynion hyfforddiant / cynnal cymhwysedd drwy fynychu cyrsiau ar lein ac wyneb i wyneb.
- Defnyddiwyd strategaeth gorfodaeth amgen i gynnal ymyrraethau mewn rhai eiddo bwyd risg isel (categori risg E).
- Cwblhawyd rhaglen samplu hylendid bwyd yn unol â blaenoriaethau cenedlaethol.
- Cwblhawyd rhaglen samplu safonau bwyd fel rhan o brosiect cydweithio Grŵp Bwyd ac Afiechydon Heintus Gogledd Cymru.

7.4 Meysydd i'w Gwella 2026-27

Adnabuwyd yr ardaloedd canlynol ar gyfer ymdrech penodol eleni:

- Parhau i gynorthwyo busnesau drwy ddarparu gwybodaeth a chynghor, gan gynnwys cynghor ar sut i gydymffurfio gyda rheoliadau newydd a diwygiedig.
- Addasu i drefniadau masnachu amgen busnesau – oriau agor cyfyngedig, agor ar nosweithiau /penwythnosau yn unig.
- Parhau i ddatblygu swyddogion fel bod mwy ohonynt yn medru cwblhau pob ymyrraeth diogelwch bwyd.
- Adolygu gwefan y Cyngor i sicrhau fod aelodau o'r cyhoedd a busnesau gyda mynediad i gyngor a gwybodaeth gywir am wasanaethau bwyd.
- Darparu gwybodaeth a chynghor mewn perthynas â chydymffurfiaeth gyda gofynion alergenau a chanllawiau ymarfer da i fusnesau lleol ac adrannau eraill o'r Cyngor.
- Lle fo'n bosib, hyrwyddo darpariaeth /cyflenwad bwyd iachus.

7.5 Ffactorau sy'n debygol o gael effaith ar ddarpariaeth gwasanaeth yn ystod 2026-27

Ffactorau sy'n debygol o gael effaith ar ddarpariaeth gwasanaeth:

- a) Mabwysiadu'r model safonau bwyd newydd. O Ebrill 2026 ymlaen bydd Cyngor Gwynedd yn cynnal rhaglen ymyrraeth safonau bwyd yn unol ar model safonau bwyd newydd, sydd wedi ei gyflwyno gan yr Asiantaeth Safonau Bwyd. Mae amcanion y model newydd yn cynnwys trefn fwy hyblyg ar gyfer gorfodaeth cyfraith safonau bwyd, yn seiliedig ar risg. Yn y tymor byr fydd mabwysiadu'r model yn golygu cynnydd sylweddol yn y nifer o ymyraethau safonau bwyd sy'n ofynnol o'r Awdurdod
- b) Diffyg adnodd yn nhermau nifer y staff cymwysedig sydd ar gael i gwblhau gwaith diogelwch bwyd.

Oherwydd y problemau adnodd ar ôl groniad o archwiliadau rhaglunedig sy'n hwyr o'r flwyddyn flaenorol 2025 / 26 ni fyddwn yn cydymffurfio yn llawn gyda gofynion y cod ymarfer bwyd eleni.

Bydd gwaith yn cael ei flaenoriaethu yn unol â risg gyda ffocws ar y canlynol:

Gwaith gorfodaeth ymatebol

Rheolaeth ymatebol o ddigwyddiadau bwyd a pheryglon bwyd.

Ymchwil a rheolaeth ymatebol mewn perthynas â chwynion yn ymwneud a bwyd, eiddo bwyd ac ymarferion.

Cwblhau archwiliadau rhaglunedig o eiddo categori risg uchel hylendid a safonau.

Archwilio busnesau newydd

Cynnal archwiliadau rhaglunedig o sefydliadau cymeradwy.

Mae'r Awdurdod yn hyfforddi nifer o swyddogion mewn ymdrech i sicrhau fod digon o adnodd i gwrdd â gofynion cyfredol ond fe fydd hi'n cymryd amser i'r swyddogion hyn dderbyn cymwysterau a chymhwyso. Gall gymryd hyd at dair blynedd arall i sicrhau ein bod yn cwrdd â gofynion y cod yn llawn.

- c) Cael mynediad i eiddo. Mae busnesau yn lleihau oriau masnachu neu agor ar sail tymhorol yn unig. O ganlyniad mae'r llwyth gwaith archwiliadau yn uwch dros fisoedd yr Haf.

Ch)Mae nifer o fusnesau bwyd newydd sy'n cofrestru gyda'r Cyngor yn parhau i fod yn gymharol uchel. Mae hyn yn rhoi pwysau sylweddol ar y gwasanaeth, Bydd busnesau newydd yn destun asesiad risg i sefydlu pryd ddylid yr ymyrraeth cyntaf ddigwydd.

d) Gofyn cynyddol ar Wasanaethau Gwarchod y Cyhoedd heb adnodd ychwanegol, er enghraifft, y gwaith ychwanegol sy'n cael ei greu wedi i ofynion y Rheoliadau Bwyd (Hyrwyddo a Chyflwyno) (Cymru) 2025.

dd)Defnydd swyddogion cymwys i hyfforddi swyddogion newydd. Bydd y gofyn yma yn golygu fod llai o amser iddynt gwblhau rheolaethau swyddogol.

ATODIAD 1- CRYNODEB HYFFORDDIANT

Hylandid Bwyd 2025-26

Rhaglen Archwiliadau Diogelwch Bwyd

Mae'r tabl isod yn manylu'r nifer o ymyriadau a gwblhawyd dros y flwyddyn ac unrhyw ymyriadau oedd heb eu cyflawni ar ddiwedd y flwyddyn sef 31/3/26

Categori Risg	Cwblhau	Heb gwblhau
A Risg Uchel	6	0
B Risg Uchel	45	0
C Risg Uchel	352	4
D	138	182
E	36	100
Angen asesiad	279	5
Cyfanswm	856	291

Y Cynllun Sgorio Hylandid Bwyd Cenedlaethol

Ar y 31/3/26 roedd 98.75.% o fusnesau bwyd Gwynedd sy'n rhan o'r cynllun sgorio hylandid bwyd yn cydymffurfio'n fras gyda gofynion hylandid bwyd (sgôr o 3 neu uwch) Roedd 26 eiddo (1.25% ddim yn cydymffurfio'n fras gyda gofynion (sgôr o 2 neu is)

Nifer o geisiadau am ymweliadau i ail sgorio a gwblhawyd: 39

Nifer yr apeliadau yn erbyn y sgôr: 1

Safonau Bwyd 2025-26

Rhaglen Archwiliadau Safonau Bwyd

Mae'r tabl isod yn manylu nifer yr ymyriadau safonau bwyd rhaglunedig gafodd eu cwblhau dros y flwyddyn ar nifer o ymyriadau oedd heb eu cwblhau ar ddiwedd y flwyddyn (31/3/26).

Categori Risg	Cyflawnwyd	Heb eu cwblhau
A Risg uchel	5	0
B Risg Canolig	277	131
C Risg isel	95	37
Heb eu hasesu	280	5
Cyfanswm	657	173